

საქართველო
საბჭოთა კავშირი

ნიანპი



ОБЯЗАТЕЛЬНЫЙ ЭКЗЕМПЛЯР

ახალი წელი: — იმელს გავიმართლებ! ამ საგანძურს ისე მოუვლი, როგორც ჩემი სახელგვანი წინაპრები უკვლიდნენ.

ლოიაზა



ნიანგის ბრძანება

ჩემი ლაშქარის რაზმელთა მიმართ
ქვეყნდება ჩემგან ესე ბრძანება:
დაწყებულია ევროპის ომი
ჯერ არნახული როგორც ზმანება.

რაც ევროპის ცას ალი გაეკრა
ერთ წელზე მეტი გადის მას უკან.
ბევრ საგულისხმოს ვხედავთ მოვლენებს,
სულ შეიცვალა ევროპის რუკა.

ბრიტანეთის ლომს ვინც კუდში სდევდა,
და ის ეგონა მძლე და მფარველი,
როგორც სარკეზე ნაორთქლი, ისე
ამოიშალა მისი სახელი.

უძლევე ბურჯივით, დგას ჩვენი მხარე;
მტრის თავს დაბნეულს ესხმება რეტი
და რესპუბლიკის თერთმეტის ნაცვლად
კავშირად იქცა მხარე თექვსმეტი.

სხვა მიღწევებიც რით ჩამოვთვალოთ?!
ყოველ ახალ წელს ჩვენი ერები
ვარსკვლავის სხივქვეშ ითენებს შვებით,
შრომით, ხალისით და სიმღერებით.

და ეს სიმტკიცის ნაყოფი ცხადი
უფრო გვარწმუნებს, უფრო გვაგვალებს,
რომ კიდევ მეტად ვიკრებდეთ, ვწვრთნიდეთ,
რომ უფრო მეტად ვიზრდიდეთ ძალებს.

ჩვენი ქვეყნის მცველ სიმაგრეთ ჯაჭვში
სატირის ფრონტიც ერთი რგოლია.
ჩემს კბილებს, ხახას მტერი ვერაფერ
მრავლად ჩაუნთქავს, ჩაუქოლია.

ეხლაც მზად ვიყოთ მუსრის საველეზად,
განვეგმირით მტერი შიგნით თუ გარეთ,
მოყვარეს მივცეთ ხალისი, შვება
და მტერს მოვგვაროთ ცრემლები მწარე.

სმენა!

მზად იყოს მხედრობა ჩემი,
დარაზმდნენ ჩემი ნიანგორები
და ყოველ მხარეს, მტერს თავს დაესხან,
როგორც წიწილებს მარდი ქორები.

მიგზავნეთ ძღვენი ახალ-ახალი
უხვად, ყოველთვის, ხსნილში, მარხვაში
არ გაზარალებთ, ერთად, გინდ ცალკე
გადაუძახებ ხელად ხახაში.

ახლაც კი მახსოვს ისეთ საკბილოს
მამლევედა ძველად ქედა და ხულო.
რომ, როცა ვჭვრეტდი, ჩემთვის ვამბობდი:
„რადას ღონდები, გაცოცხლდი, გულო!“.

ამაგის ნიშნად ახლაც მოვუხმობ
ჩემს ნიანგორებს ჰუსეინს, ქედელს.

რომ მომავალშიც ჩემს მძლე ლაშქართან
კვლავ აგრძელებდნენ კავშირს უწყვეტელს.

ბათუმს გუშაგობს პარმენ ობოლი,
მან უნდა ჩემს წინ პასუხი აგოს,—
ეს საგუშაგოც თუ დაგვიბოლა,
თუ კვანტი უქნა ამ საგუშაგოს.

სოხუმში დარჩეს ჩვენი ისელი
(რაკი შეიტკბო შავი ზღვის ჰავა)
მე უხვად მახსოვს იმისგან ძღვენი,
ნურცა მომაკლებს საკბილოს კვლავაც.

გაგრა—გუდაუთს არ ვიზარალებ,
არც იქ დავტოვებ ორგულებს ლაღად
ისელთან ერთად ამ საგუშაგოს
უფროსად დარჩეს კვლავ სიმონ-აღა.

ფოთს, ცხაკაიას, ზუგდიდს, ოჩამჩირს
ვანდობ ცისკარელს, მიტრო გოგიას.
ძღვენის ნორმას რომ უკლეს ბოლო დროს,—
ეს მათი ქცევა დასაგმობია.

ქუთათურ ძღვენის დამზადებაში
ნიანგელებო, თქვენც იცით ალბად,
რომ ჩვენმა გენომ ამ ბოლო ხანში
ყველა გუშაგებს გადააჭარბა.

პიტნას,

კოსტაიდს,

ჭანგელ ბზიკს, კვიმატს,

ვურჩევ მიბაძონ ქუთათურ გენოს,
ცხელ-ცხელ, მსუქანი საკბილოების
კვლავ გამახსენონ სუნი და გემო,

რაკი ტვერელი „ჩაყლაპა მიწამ“,
დარჩა ნიანგელთ ბანაკს იქიდან
დე, ზესტაფონსაც მიეპატრონოს
ხარაგოულის შეფი კირკიტა.

აბაშას ფლობდეს აწ და მარადის
რაიონითურთ ქარბუქი მარდი,
ჩხარს—მუხურელი
თუზელს ვავალე,
შემატყობინოს მსწრაფლ მისამართი.

გორს და სტალინის ვაკუთვნებ კაკოს,
გურჯაანს, თელავს—არღუთელს, საშას
ვინც უმსუქნეს ძღვენს გამომიგზავნის,
იმას ვარგუნებ ქებას და ვაშას.

სმენა!

მზად იყოს მხედრობა ჩემი,
დარაზმდნენ ჩემი ნიანგორები,
და ყოველ მხარეს, მტერს თავს დაესხით
როგორც წიწილებს მარდი ქორები.



არქივიზებული
საქართველოს
საბჭოთაო
საქართველოს

ფილოსოფოსი შემოკრბნენ ამხე
ჰქონდათ ცილობა: ცოცხალი ბატის ყიდვა
სჯობია საახალწლოთ თუ დაკლულისა. ქა-
ლები დაკლულს უჭერდნენ მხარს.

— ჯერ ერთი, — მოკაცვა ჩამანიკურებუ-
ლი თითი ელენმა, — დაკლულ ბატს დაკვლა
არ სჭირდება, მეორეც — გაბუტვა და გა-
მოშიგნვა არ უნდა და მესამე — როცა
ყიდულობ ხედავ — მსუქანია თუ მჭლე.

ელენმა მართლაც დამაჯერებელი არგუ-
მენტები წამოაყენა და ის იყო ოჯახი უნდა
დასთანხმებოდა კიდევ, როცა პატივცე-
მულმა სიძემ ჯორჯმა აიღო სიტყვა.

— ცოცხალ ბატს დიდი უპირატესობა
აქვს: ჯერ ერთი — ცოცხალი უფრო იაფი
ვიდრე დაკლული, მეორეც — ცოცხლის
ყიდვა შეიძლება რამდენიმე დღით ადრე
და მაშასადამე ახალწლამდე გასუქდება კი-
დეც და მესამე...

— მესამე ის, რომ ელენს მანიკური
გაუფუჭდება — ბატის გაბუტვისას, — დაუ-
მატა უმცროსმა დამ ბეტიმ.

— ა, მაშასადამე ელენს შრომის ეზი-
ნია, — გაკილვით შენიშნა ჯორჯმა. — თავზე
ყუმბარები გვაცვივა, ლონდონი ნანგრევე-

ბად იტყევა და თქვენი ქალბატონი ბატის
გაბუტვასაც არ კადრულობს.

ეს კი ვერ მოითმინა დედამ. მისი ელე-
ნის ქმარი, რაღაც უცნაური კილოთი ლა-
პარაკობდა. ინგლისელს, რომელიც თვითონ
ნაც მუდამ ინდოურივით გაბლვერილი უნ-
და იყოს, ასეთ მიძიმე პირობებში არ შე-
შვენიის ცოლის გაკილვა.

— რაო, ყუმბარები სცივიაო? განა ყუმ-
ბარას შეუძლია შეგვაცვლევინოს ჩვენი
ჩვევები.

— შეუძლია, — დაჩინებით უბასუხა
ჯორჯმა.

— მაშ ბატს ვერ ვსჭამთ საახალწლოთ?

— საშობაოთ ვერ სჭამეთ და საახალ-
წლოთ როგორ, სჭამთ.

— საშობაოთ მეტროში ვისხედით.

— ახლაც მეტროში არა ვართ...

მართლაც ამ პატივცემულ ოჯახის თათ-
ბირი მეტროში მიმდინარეობდა. გაბლვერი-
ლი ინგლისელები მიწაზე დაფენილი ლე-
ბებზე ისხდნენ და საბანწამოხურულები
ქაჯებს უფრო გავდნენ, ვიდრე თავმომწონე
ლონდონელებსა.

— ჯორჯი რომ ვაჟკაცი იყოს, საბანში კი
არ იქნებოდა გახვეული... — უბინა ცოლ-
მა, — ახლა თვითმფრინავზე იქნებოდა და
ლონდონთან არცერთ ვერმანელს არ მოუ-
შვებდა.

ოჯახის მამა, რომელსაც არც ახლა
ემტყუნა ტრადიციისათვის, ჩამოეტანა მეტ-
როს გვირაბში მამაპაპური სავარძელი და

შოკოლადს ცოხნიდა ბებერი ხარკით. არ
მოეწონა ქალიშვილის სიტყვები.

— ჯორჯი მფრინავი არ არის, არმიაშიც
არ წავა. ეს იე 1000 სტერლინგი დამიჯდა,
ჩვენი მალაზია კიდევ არ დაუნგრევიათ, მას
პატრონი სჭირდება.

— როგორც ყოველთვის, მამა მართა-
ლია, — დაემოწმა სიძე.

ბეტი მოუთმენლად ელოდა დავის გა-
თავებას.

— მაინც რას ვყიდულობთ: ცოცხალს
თუ დაკლულ ბატს?

— დაკლულს, — გულდამშვიდებით გა-
ნაცხადა მამამ. — ვინ იცის ახალ წელს
სად გავატარებთ. იქნებ ბატის შესაძლებ-
ლობაც არ გვექნეს.

ეს გადაწყვეტილება მარტინის ოჯახმა
კვირა დამეს მიიღო. ორშაბათს ბომბარდი-
რება შეწყვეტილა. სამშაბათს აგრეთვე ბა-
ტების მაგიერ ბომბები სცივიოდა ლონ-
დონში. ახალი წელიც მოვიდა და მარტი-
ნის ოჯახი კვლავ მეტროს გვირაბში იჯდა.

— ელენ, ცოცხალი ბატი ვიყიდოთ, თუ
დაკლული? — გაეხუმრა ჯორჯი ცოლს. მაგრამ
ელენი ხუმრობის ხასიათზე არ იყო. ამ სამ
დღეში ბევრი რამ მოხდა. მალაზია ცეცხლ-
მა შთანთქა, მისი საყვარელი დოგი ყუმბა-
რამ განგმირა, ხოლო საახალწლო ბატის
მაგიერ ხელთ გამხმარი გალეტი ეჭირა და
გახუნებულ მანიკურიან თითებს ცრემ-
ლები ასველებდა.

გ. ბათოშელი

ქ) „ნიანგის“ ამწლის უკანასკნელ ნომრისა-
თვის მხიარული მოთხრობის დაწერა მინ-
დოდა, როგორც ვხედავ, არ გამოვიდა.

გ. გ.

ბეიბნეს

ნახ. თოდისა



1. — შე თქვენი მაკერებეს! — თქვა მომხსენებელმა, — ყოველი
მოკამათის ყოვალდგარ სისულელეს ტაშს უკრავთ!..

2. — და ვერ წინადადება არ ჰქონდა დამთავრებული, რომ
ღარბაში ტაშის გრიადმა დაფარა



„ვეუცხუოვა“

ქარხნის საკომენდანტოში სუფთად ჩაცმული ახალგაზრდა შემოვიდა.

— მეგობარო!— მიმართა მან კომენდანტს და უბის ჯიბისაკენ ხელი წაიღო.

კომენდანტმა, რომელიც გართული იყო რომანის კითხვაში, ყურადღება ვერ მიაქცია:

— მეგობარო, იყავით მოსულთან ზრდილობიანი, რომ ისიც ზრდილობიანი იყოს თქვენთან!— ცოტა არ იყოს ნაწყენი კილოთი დაამატა ახალგაზრდამ.

კომენდანტმა გაიღიმა, სათანადო ბოდიში მოიხადა და ახალგაზრდას მიმართა:

— რა საჭიროა კაცის ბარომეტრად გადაქცევა, ჩემი ზრდილობა არასოდეს არ ყოფილა სხვის უზრდელობაზე დამოკიდებული... რა გნებავდათ!

ახალგაზრდამ არ ვიცი გაიგო თუ არა კომენდანტის პასუხი. გაბრაზებით კი საყოფად გაბრაზდა და მკვახედ მიუგო:

— წარმოების დირექტორი მნებავდა!

— რა საქმეზე?

— საქმეს მას მოვახსენებთ, თქვენ, სულერთია, ვერ მიხვდებით.

— ვერ გაგიშვებთ!— მკვახეზე მკვახე ესროლა კომენდანტმა.

— ეს უკანონობაა!— კინაღამ აცრემლდა ახალგაზრდა.

— იჩივლეთ!— არ დაყოვნა კომენდანტმა.

კარგა ხანს იდავეს. ბოლოს იმაზე შეთანხმდნენ, რომ ახალგაზრდას უფლება ენიჭებოდა ტელეფონით დაერეკა დირექტორისათვის. სცადა სტუმარმა, არ გამოუვიდა: დირექტორი არ აღმოჩნდა კაბინეტში. და ის ის იყო უკან გამობრუნებას აპირებდა შეურაცხყოფილი, რომ საკომენდანტოში დირექტორი შემოვიდა.

— ეს არის!— მიუთითა ახალგაზრდას კომენდანტმა.

— რა უკანონობაა ამხ. დირექტორო!.. რას გავს! ფრიად სასწრაფო, სასარგებლო და აუცილებელ საქმეზე ვარ მოსული. სულ ხუთმეტი წუთით... წარმოება მინდა დავათვალიერო... ხუთმეტი წუთი! რა მოხდება!..

— რატომ გაინტერესებთ ჩვენი წარმოება?... იკითხა დირექტორმა.

— როგორ თუ რატომ!— გამოცოცხლდა ახალგაზრდა. — მე მწერალი ვარ, ჟურნალისტი, პოეტი, დრამატურგი... ხვალ ხელშეკრულების თანახმად ნარკვევების წიგნი მანდა ჩავაბარო გამომცემლობას თქვენი წარმოების შესახებ...

ახალგაზრდა წარმოებაში არ შეუშვეს.

გ ა უ ლ ე ბ ე ლ ი

სკოლის ბიბლიოთეკაში რამოდენიმე მოწაფეს მოეყარა თავი.

— ვეფხის ტყაოსანი!— ამბობდა ერთი, — იცით ბიჭებო, მე უკვე წავიკითხე ვეფხის ტყაოსანი. ძნელი გასაგებია, მაშამ ამისხნა... თქვენ არ წავიკითხავთ?

ზოგმა დაუდასტურა, რომა უარი თქვა.

— რატომ მერე!— თითქო დანაშაულში გამოტეხა, ისე გაკვირვებით შეხედა ბავშვმა.

— არა მაქვს ეგ წიგნი და იმიტომ.

— რატომ მერე?!— კვლავ გაუძეოდა კითხვა ბავშვმა.

— ვერ ვიცი და იმიტომ...

— ბიჭებო, აი ჩარლზ დიკენსის დავით კოპერფილდი, წავიკითხავთ?

— არა!— ერთხმად წამოიძახეს ყველამ.

მოსწყინდა ბავშვს ამდენი „რატომ მერე“ და ხმა აღარ ამოუღია.

ბიბლიოთეკაში საქმის მწარმოებელი, იგივე ბიბლიოთეკის გამგე შემოვიდა.

— ძია ვასო, მოგვეცი რა, დავით კოპერფილდი.

— არ შეიძლება!

— რატომ?

— გაუგებარია თქვენთვის, ჯერ პატარები ხართ.

— მე მამა ამისხნის რაც გაუგებარია, — „აღმოაჩინა“ ერთმა.

— ახლა მამა შეაწუხე მაგისათვის. გაიზრდები და თვითონ გაიგებ, რა გეჩქარება. — უპასუხა საქმის მწარმოებელმა.

ამ დროს ბიბლიოთეკაში სკოლის დირექტორი შემობრძანდა. ჯერ მედიდურად „შემდეგ მზრუნველის თვალთ გადახედა იქაურობას, ბავშვების მიერ ნათხოვნ წიგნების შკაფთან მივიდა, შკაფის გარშემო დიდხანს ეძებდა თუნუქის ნომერი და რომ ვერ აღმოაჩინა— საქმის მწარმოებელს ჰკითხა:

— ეს რომელი შკაფია?

— ეს, — გაიღიმა საქმის მწარმოებელმა, — ჰე—ჰე—ჰე... ეს ის შკაფია... ჰე—ჰე—ჰე... მე და თქვენ რომ შარშან კოჯორში ვიყავით და... გასაღები რომ დაგვეკარგა... ჰე—ჰე—ჰე...

— გაუგებელი კი არა, გაუღებელი ყოფილა, ძია ვასო!— დაამთავრა ერთმა მოწაფემ.

მოტყუვდა

კლუბის გამგე სარდიონ ლეხურელი ერთ გაწამაწიას მიეცა. თავის დღეში რომ არ უქნია ის გააკეთა: წრეების ხელმძღვანელებს დაუძახა და შეახურა.

— რას გავს ეს, წელიწადი გადის და ჯერ სკეტჩი მზად არ არის... შენ რაღაო, ექვსი თვეა „თებრონე მიდის წყალზედას“ გაიძახი, რითი ვერ მივიდა წყალზე ეგ შენი თებრონე... მოგხსნით სუყველას... თქვენ ჯერ, ლისთვის თავს შევიცხვენ თუ?..

გაჩაღდა მუშაობა.

სარდიონი ერთ ნაცნობს მიადგა:

— შენ, ბიძია, რატომ გაურბიხარ საზოგადოებრივ დატვირთვას?

— არ გაურბივარ!... — უთხრა ნაცნობმა და გაკვირვებით გადახედა სარდიონს.

— აბა მამ ლოზუნგები დამიწერე ნარმაზე...

სარდიონი ერთ ნაცნობ ჟურნალისტს დაეტკა:

— შენ, ბიძია, რატომ დახმარებას არ უწევ ძირეულ პრესას?

— როგორ არ ვუწევ!...

— აბა, მამ წამოდი და კედლის გაზეთი გამოიკეთე...

შეიქნა გაწამაწია. სამ დღეში შენობა კლუბად გადაიქცა.

კლუბში მოსულს კავშირის თავმჯდომარეს სარდიონი ეუბნებოდა:

— კარგად არის საქმე... კლუბების დათვალიერება... სამი ათასი მანეთი ჯილო საუკეთესო კლუბის გამგეს...

— შენ რა მერე!— ცივი წყალი დაუსხა კავშირის თავმჯდომარემ, — ეგ კონკურსი ზომ ჩვენი სისტემის კლუბებს არ ეხება.


სარდიონმა ყურები ჩამოყარა და ამოიკუნესა:

— მამ ტყუილა მეზარალა ამდენი წება?...

ზია.

ხარისხის იმედით

ნან. ლებეფევისა



— დავიღუბეთ, კაცო, შენ რომ გუშინ მელანი მითხანე, წელან ბავშვმა დალია სულმთლად!

— მერე მაგაზე რა გაღელვებს, „ქიმბრეწის“ მელანი იყო...

6 საათი იყო, როცა ილიკო სახლში დაბრუნდა. უგუნებოდ იყო. სახლის კარები რომ შეაღო, სოფლიდან ჩამოსული თავისი ნათლისშვილი დაინახა.

— მაგასაც შეურჩევია სტუმრობის დრო, — ალბად უნდა მთხოვოს რამე, — გაუელვა გუნებაში. სტუმარს ჩამოსვლის მიზეზიც კი არ ჰკითხა, ისე გასწია სამზარეულოსაკენ.

სამზარეულოში მისი ცოლი შრომითი რაღაცას ფუსფუსებდა.

— რას ჩხიკინობ მანდ? ამდენხანს ორი საინი სადილი ვერ გაამზადე? მომიტანე მაგი ლობიო, ისევ მალე უნდა წავიდე.

— რა გაბუზღუნებს? — იწყინა ცოლმა. — რა ლობიო, რის ლობიო? საცივი მაჭქს მშვენიერი, ღორის შაშხი, ზევისთვის, საახალწლოდ გოჭი და კუპატები, ერთი ტიკი მშვენიერი ღვინო, ჩურჩხელები და მანდარინები!

— რაო! რაო? ვაი შენ კი გენაცვალე მაგ მარიფათიან ხელებში ჩემო მშვენიერო, კარგად მოგიხერხებია, — სიხარულით შეყვირა ილიკომ ცოლს.

— მე კი არ მოვახერხე, შენმა ნათლისშვილმა ჩამოგვიტანა, თურმე წელს მაგათი კოლმეურნეობა მილიონერი გამხდარა, ისე კარგად ცხოვრობენ, რომ... ეხლა ეს ძღვენი ჩამოგვიტანა და თან სახლშიც გვეპატიება ამ ზაფხულისათვის. — განუმარტა მარომ.

ილიკო ცმუკვით გამოვარდა სამზარეულოდან და სტუმრისაკენ გაქანდა.

— სხვა როგორ გიკითხოთ ჩემო სიპიტო, ბიჭო, ასე უნდა? ასე უნდა დაივიწყო კაცო, მამიშენის ნათლული? სახლში როგორ ხარო, ცოლი, შვილები! ნათლია ჩემი როგორაა? როგორ იმგზავრე გზაში? — მისყარა სეტყვასავით ილიკომ — შენ გენაცვალე შენ, როგორ გამახარე შენი ჩამოსვლით.

— არა გვიშავს რა; კარგად ვართ ჭერჭერობით! თქვენ ხომ კარგად ილიკო? — შეეკითხა სტუმარი.

— არა მიშავს მეც, ჩემო სიპიტო! წარმოიდგინე რა არის წინაგრძობა: გუშინდამ ნათლიაჩემი დამესიზმრა, ვითომ ერთად ვიჭექით მისას და ვქეიფობდით და, უყურე, ქე არ ჩამოდი შენც?... უჰ! შენ გენაცვალე, ჩემო სიპიტო! გავიგე შეძლებულად ცხოვრობოთ თურმე, თავზე საყარი გქონიათ ყველაფერი და რა გოჭირს, ასე რომ მესტუმრო თვეში ერთხელ ორიოდ დღით, მეც გამახარებ და შენს გულსაც! ამაღამ კინოში წაგიყვან, თუ კაცი ვარ; ბილეთებს მე ვიყიდი.

— ნუ წუხდები ილიკო, ამაღამ ისევ უკან უნდა გავბრუნდე, აქ ცოტაოდენი საქმე მქონდა კოლმეურნეობიდან დავალბული, ის მოვიღიე და ამ საღამოს გავსწევ! კინო ჩვენს სოფელშიცაა. — განუმარტა სიპიტომ.

— უჰ! შე კაცო! ამაღამ რა დროს წასვლაა! მატარებლის წასვლამდე მაინც მოვასწრებთ კინოს ნახვას. ისე რავა გავიშვებდი საახალწლად, საქმეზე ყოფილხარ ჩამოსული თვარა! მარო! მარო! მოგვიტა სასწრაფოდ ცოტა რამ შევჭამოთ! სიპიტოს დაავიანდებ მატარებელზე და ცოდვაში ჩავარდები, კინო დაიწყება მალე!

ხუთი წუთის შემდეგ კინოს კარებთან იდგნენ ორივენი, მაგრამ სიპიტო კინოში აღარ შეყვა მასპინძელს. ილიკო იარსოდეჭერ შეეპატიუა, შემდეგ კი — ახლად ჩამომდგარ ტრამვაის ვაგონზე მიუთითა სიპიტოს და უთხრა:

— აბა ქე მაინც მატარებელზე არ დავავიანდეს სიპიტო, ჩაჭექი მალე.

ხელი ჩამოართვა — სტუმარს და თან მიძახა.

— მალე მენახო სიპიტო, ჩემსას, მოკითხვა სახლში ყველას!

ჩვენ ამ წელს და კიდევ მრავალს ახალ-ახალ წლებს შევხვდებით, სანამ დავლევთ საახალწლოს წარსულ წელზე შევჩერდებით.

მოვიგონებ, — როგორ შევხვდით ერთ წლის წინათ აქ ახალ წელს, ჩვენს იმედებს გამოვთქვამდით — საბჭოეთი რას არ დასძლევს.

გვქონდა ცეკვა და სიმღერით გავისტუმრეთ ძველი წელი და ახლისთვის დავისახეთ საქმე უფრო მძიმე, — ძნელი.

ჩვენ ეს წელიც გავიარეთ და ვუწოდებთ ძველს მას ახლა, თუმცა ბევრჯერ მან სიახლით გული ჩვენი გაახარა. —

აი, ახლაც ჩვენ ერთად ვართ, — რა არ მოგვაქვს წარსულ წლიდან. მე პოეტი, შენ ექიმი გამოვსულვართ ჩვენი წრიდან.,

და ამათ კი, ამ ორ ჩვენს გმირს აშშვენებენ ორდენები, — ცაში ხშირად ნავარდობენ სტალინური რკინის ფრთებით.

მაშ, დავლით, მეგობრებო, გავაცილოთ ძველი წელი შევხვდეთ ახალს, ვით გვჩვევია, ავისრულოთ საწადელი.

მიუ—ლი.

„სტრიჰკის“ ბრალია

ბნელი ღამეა, მივალ ქუჩაში, და წინ შემომხვდა, ვხედავ, — კაცია. — გამარჯობათქვა, — შევსძახე უცებ და მანაც თავი მალა ასწია...

მიუხახლოვდი, ისიც შეჩერდა, გადავეხვიე და გადავკოცნე, თმაშებარსული ბიძა მეგონა, — თურმე ქალია და... უცებ ვსცოცხე.

იმასაც თურმე ბიძა ვეგონე, — არ ეუცხოვა ეს ქცევა ჩემი, — მაგრამ როდესაც ის დამაკვირდა შემიტია და მიცვალა ფერი.

იგი ყვიროდა, მე კი — გავრბოდი, გაფითრებული, როგორც ბნია, ბოლოს შევდექი და მივძახე: — „სტრიჰკის“ ბრალია ჩემო ღამია!



— შენ გეტყობა, რიგიან ოჯახებში აღარ გიშვებენ.
— რაზე მატყობ?
— ასე რომ არ იყოს, მე რომ შენი ამბავი ვიცი, ამ დაკლოვილ პალტოს დიდი ხანია ახალში გადაცვლიდი.

ერთხელ ერთურთს წაეღებენ კრიტიკოსი და პოეტი. (კრიტიკოსებს, ყველა იცის ხელთ უჭირავთ მუდამ კეტი). კრიტიკოსმა უთხრა პოეტს: — „ყური უგდე ჩემს სიტყვებსო, თორემ იმ შენს საწყალ მუზას ჩაუღლეწავ მთელ ნეკნებსო“. აქ პოეტი გაგულისდა, მან „ქოშები უკუ ჰყარა“. ვით შეშვენის ოლიმპიელს, იტრაბახა, იმკვეხარა: — „მე ციური მადლით ცხებულს თავს მიტოლებ ვილაც მწერი! შენ ვინა ხარ?— ჩემს ტაეპებს იმეორებს მთელი ერი. თუ სალამი გინდა მოგვე, არ გაბედო განქიქება, თავი მდაბლად დამიკარი, სწერე მუდამ ჩემი ქება“. კრიტიკოსი აფუცხუნდა, აიმაღლა იმან ტონი: — „შენ მიწასთან გაგასწორებს ჩემი ერთი ტელეფონი, გამოფიტულ შენს ლექსებში, არის სიტყვის რახა-რუხი, ხან ყვავივით აჩხვლდები, ხან წუწუნებ, როგორც კრუხი“. ეს მგოსანმა კვლავ იწყინა, წინ წამოდგა, თავი იქო: — „მე თუ საზრდო არ მრგეცი ნეტა მაშინ რაღას იქო? ჩემს ჭირნახულს უთვალთვალე, მე კი მტრულად მქოლავ ქვითო მე რომ ლექსი არ დავწერო იარსებებ ნეტა რითო?... გრძელდებოდა ლანძღვა— თქვე, ტრიალებდნენ ვითა ჯარა... მათ მაგიერ მკითხველს შერცხვა, შეუმჩნეველად გაიპარა. მალალ-მალალი.

გზიარული გამოგონებანი

თავის მახე

ჩვენს საყვარელ მკითხველებს, განსაკუთრებით ქალებს, შეიძლება ახსოვთ, რომ მე ჯერ კიდევ რამდენიმე ნომრის წინადა შევპირდი მათ სხვადასხვა საინტერესო გამოგონებას— როგორცაა მალალყელიანი ბოტები, სიყვარული და ა. შ.

დიდი ბოდიში, რომ დღემდე ვერ შევასრულე ეს დაპირება, მაგრამ მოგეხსენებათ, ამბოლო დროს დიდად ვიყავი დატვირთული ერთი ფრიალ საინტერესო წამოწყებით. მე გმუშაობდი თავის მახის, ეგრეთწოდებულ სათაგურის, გაუმჯობესების საკითხზე. მოგეხსენებათ ჩვენი ზოგიერთი არტელის მიერ დამზადებული სათაგური თავის ყოველი დაჭერის დროს უსიამოვნოდ ჩხაკუნობს, და რაც მთავარია, მაშინვე იღება მისი კარები. ამის შედეგად კი თავი არხენად შეექცევა მახეში გამზადებულ ნამცეცებს და უკანვე გამოდის. არის ისეთი შემ-

თხვევებიც, როცა სათაგურის კარები დაკეტილი რჩება და თავს ნამდვილად იჭერს. ასეთ დროს ისმის მომწყვდეული თავის არასიმპატიური წრუწუნები, რაც იმის შედეგია, რომ, ალბად, თავი არავითარ სიამოვნებას არ განიცდის ხაფანგში.

ჩემი გამოგონება ერთი დაკვრით სპობს აღნიშნული ხაფანგის ამ ტექნიკურ ნაკლს.

საჭიროა ხაფანგში წინასწარ დავამწყვდიოთ კატა.

დავინახავთ, რომ როგორც კი თავი შევახაფანგში— კატა დაუყოვნებლივ დაეძგრება. იმ შემთხვევაში, თუ ზოგიერთი თავი ყალთაბანდობას გასწევს და არ მოისურვებს კატიან ხაფანგში შესვლას, მაშინ უნდა მოვიქცეთ პირიქით: ხაფანგში დავამწყვდევთ პირადად თავს, ხოლო შემდეგ შიგ შევუშვებთ კატას.


სიყვარული

მამ ასე. გადავიდვართ დაპირების შესრულებაზე. უნდა გამოგტყდეთ, უებარი წამა-

ლი გამოვიგონეთ სიყვარულის ირგვლივ. მაღლობა უფალს. ეშველება შეყვარებულებს. ისეთი წამალი გამოვიგონე, რომ ყველაზე მიუწვდომელ სატრფოსაც კი სულ „ვაი დედაიას“ აძახებინებს. წამლის შინაარსი ასეთია: აიღებთ აქლემის კანქს და მისგან გააკეთებთ ფილთაქვას. შემდეგ აღნიშნულ ფილთაქვით დანაყავთ იმ პოეტის ლექსებს, რომლებსაც ბევრი წყალი აქვს, მიღებულ სითხეს ცალკე შუშაში ჩაასხამთ და თავს მაგრა დაუცობთ.

ამ უცნაურ სითხეს დღეში სამჯერ სუფრის კოვზით თქვენც დალევთ და მიაართმევთ თქვენი ტრფობის ობიექტს, რომელსაც თქვენს მაგივრად რატომღაც სხვა უყვარს:

მკითხველი, ალბად ბუნდოვნად მანაც წარმოიდგენს, თუ რა მუდრეგი დასაღვეი იქნება აღნიშნული სითხე. ასეთ შემთხვევაში შეიძლება აღნიშნული სითხე ისევ შუშაში დასტოვოთ და დაუცადოთ, ეგების თავის ნებით გამთანაგრძნოთ შეყვარებულმა.



თბილისის ვაგზის ბუფეტში მარტოდ ვიჯექი და ველოდებოდი ბაჭო-ბათუმის მატარებელს. რადიომ გვაცნობდა — მატარებელი ერთი საათით იგვიანებსო, ეს მოხდა სწორედ იმ დროს, როცა მე იმდღეინდელი გაზეთები უკვე გადავთვალიერე და თავის გასართობი სხვა აღარაფერი მქონდა. მოგეხსენებათ რარიგად მოსაწყენია მატარებლის ლოდინი, განსაკუთრებით როცა მარტო ხარ. ამიტომ იყო, რომ თუშცა ჯერ კიდევ არ მშობოდა, მაინც ოფიციალტს დავუძახე და ვთხოვე მოეტანა ერთი ბოთლი კახური, თავის საუზმით.

უცებ დარბაზში შემოვიდა ჩემი ძველი მეგობარი აფრილონ.

— გამარჯობა გაიოზ, სწორედ გამიხარდა შენი ნახვა.

— გაგიმარჯოს აფრილონ, მეც ძლიერ მესიამოვნა შენი შეხვედრა. დაბრძანდი!

მეგობარი დაჯდა. ამხედ-დამხედა.

— გასუქებულხარ გაიოზ! გეტყობა ვინდებდა კეთილი ცხოვრება!

ამ დროს ოფიციალტმა მოიტანა ღვინო და საუზმე. მე ღვინო ჭიქებში დავასხი და ჩემი მხრით გავეხუმრე:

— მაშ, უნდა დაიმშვენო კაცმა სიკეთე! შენ კი, რაც გინდა პატივისცემაში იყო, მაინც ასე ტარანივით ხარ!

— ეს, ნაწილობრივ, მართალია, მაგრამ ისიც მართალია, რომ ამჟამად არა ვარ, მაინცდამაინც, დიდ პატივისცემაში. ჩვენი დაწესებულების რეორგანიზაცია მოხდა. ამასთან დაკავშირებით, ისეთ თანამდებობაზე გადამისროლეს, რომ არ მომეწონა, ავიღე და მივანებე თავი. ვფიქრობდი უკეთეს ადგილას მოვეწყობი მეთქი, მაგრამ, წარმოიდგინე, მესამე თვეა უადგილოდ ვარ.

— მე ვფიქრობ კარგად არ ცდილხარ, თორემ, ამდენხანს, სამსახურს როგორ ვერ იშოვნიდი.

— ახლა, მართალია თუ გინდა, სამსახური ერთი კი არა, ათიც შემადლიეს, მაგრამ არც ერთი არ დამიჯდა. ან კი როგორ უნდა იშოვნო კაცმა რიგიანი ადგილი, როცა ჩვენი სპეციალობის ხალხი ძლიერ ბევრია, მეორეც — ერთ კაცს, ხშირად — სამი თანამდებობა უჭირავს. მე რომ მკითხოს კაცმა, იმაზე უფრო დიდი ბოროტება არაფერია, როცა კაცი ასეთ გაუმადლობას იჩენს. აბა როგორ შეიძლება, თუ კი წესიერად იმუშავეს კაცი, სამი თანამდებობა შეითავსოს. მაგრამ საქმე იმათ არ აინტერესებთ, ისინი მხოლოდ ფულებით არიან გატაცებულნი.

— სრული ჭეშმარიტებაა, — დავეთანხმე მე, — ამის შესახებ ჩვენს პრესაშიც ბევრჯერ ყოფილა საკითხი დასმული, სათანადო ორგანოებიც ებრძვიან ამ გარემოებას.

— ეჰ, ვიცი რომ ებრძვიან, მაგრამ როდის აღმოიფხვრება ვინ იცის... პროტექციებსაც ებრძვიან, მაგრამ, მიუხედავად ამისა, აი ამ საპროტექციო ბარათმა უნდა მიშველოს. თან ჯიბიდან ბარათი ამოიღო და წამიკითხა; ბარათი ასე მთავრდებოდა:

„ძლიერ დამავალბეთ, თუ რაიმე შესაფერ ადგილს აღმოუჩინეთ. ცოლ-შვილიანი კაცია და მესამე თვეა უსამსახუროდ არის“.

— ასეთ პროტექციაში მე ცუდს არაფერს ვხედავ. — განვაცხადე მე.

— არც არის რაიმე ცუდი, პირიქით მე მგონია სამართლიანია, მე ხომ მოწყალეხარ არ ვთხოვლობ მე მინდა სამუშაო. მაგრამ აქ ცუდი მხოლოდ ისაა, რომ ეს ბარათი მე არ უნდა მჭირდებოდეს.

— შეიძლება არც დაგჭირდებოდა, სცადეთ განა უპროტექციოთ და უარი გითხრეს?

— არა მე არ მიცდია, მაგრამ ვიცი უპროტექციოდ არაფერი გამოვიდოდა, რადგან თანამდებობა რომელსაც მე ვემიზნები მართლა თავისუფალი კი არ არის, იგი შეთავსებით უჭირავს ერემია გლეჯიაშვილს.

ამის შემდეგ ერთი წელი გავიდა და მე ისევ შევხვდი ჩემს მეგობარ აფრილონს. ეს მოხდა ქობულეთში. მე ის იყო დავბინავდი სასტუმროში, ხელბირი დავიბანე, ტანსაცმელი გამოვიცვალე და წავედი სასადილოთ რესტორან „პავლიონში“. რესტორანში, რომ შევედი გადავხედე და თავისუფალი მაგრად რომ

ვერსად შევნიშნე, უკანვე დაბრუნებას ვაპირებდი, მაგრამ უცებ შემომესმა:

— გაიოზ, გაიოზ! მობრძანდით აქეთ!

დავინახე მებატიყებოდა ჩასუქებული, ქალარაშერთული, ქვრა კაცი, პირველად ვერ მოვისაზრე ვინ იყო, მაგრამ რომ დავაკვირდი ვიცანი ჩემი მეგობარი აფრილონ.

— გამარჯობა აფრილონ! ძლივს გიცანი, როგორ გასუქებულხარ, ნამდვილ ბურჯუას დამსგავსებხარ! — სიცილით მივმართე მე.

— კი, ცოტა შევსუქდი! ხომ მოგეხსენება კეთილი ცხოვრება უხდება კაცს. ძალიან მესიამოვნა თქვენი ნახვა, ეხლავე ჩემი ცოლიც მოვა და ერთად ვისადილოთ.

— რასა იქ აფრილონ, სადა ხარ კაცო, ერთი წელიწადია ვეღარ შეგხვდი, ვერც თეატრში გნახე, ვერც ქუჩაში, თბილისში ხომ ხარ?

— ეჰ, ნულარ მკითხავ თუ ძმა ხარ! ისე ვარ დატვირთული, რომ თეატრში სასიარულოდ ვისლა სცალია, ოთხ ადგილას ვმსახურობ, ჩემი სპეციალობის ხალხი ძლიერ ცოტაა და პირდაპირ ყელამდე ვარ საქმეებში ჩაფლული. თუ თავისუფალი დრო ვიშოვნე მეგობრებში ერთ ორ ჭიქა ღვინოს დავლეჭ, თუ არა დანარჩენი დრო სულ სამსახურის საქმეებს ვუნდები.

— კი მაგრამ, აფრილონ, როგორც მახსოვს შენ დიდი წინააღმდეგი იყავი შეთავსებით მუშაობის, თუ არ ვცდები, ბოროტმოქმედებადაც კი მიგაჩნდა ის...

— მართალია, მაგრამ რას იზამ კაცი, როცა გავალბენ და მეორეც ძალიან ბევრი ფული მჭირდება, ერთი ჯამაგირი ჩემს ხარჯებს ვერ დააკმაყოფილებს, ორ ოჯახს ვინახავ... შეიძლება შენ ამამაიც დამძახო, მაგრამ რა გავწყობა, ძველ ცოლს გავეყარე და ახალთან ვცხოვრობ. ის ცოლი და შვილები ერთ აგარაკზე მკავს, ჩვენ კიდევ აქ ვართ... ყველაფერს ფული სჭირდება.

მე ვემზადებოდი გამეკიცხა ამხანაგის საქციელი, მაგრამ მოულოდნელად თავს დაგვადგა ორი ახალგაზრდა, ნახევრად ტიტველი ქალი, ერთი ქერა, მეორე შავგვრემანი. აფრილონმა ქალები გამაცნო:

— ჩემი მეუღლეა! — სთქვა ქერა ქალზე — ესეც მისი დედაშვილია, ცურვის რეკორდსმენი, შეგიძლია უშიშრად ეარშიყო, მისი ქმარი დღეს დილით წავიდა თბილისში.

ახალგაზრდა ქალების შემოერთებამ ჩვენი საუბრის თემა შესცვალა.

ზ ე ხ ა თ რ ი ა ნ ი

უჩიიყელი

ოიბეშევისა



კრიტიკოსი: — ერთ კვირას თვლით ველაო დავენახვები ცისკარელს.

— ჩხუბი მოგივიდა?

— არა, ერთ ახალგაზრდა პოეტს რიომა დავუწუნე და ცისკარელის ძმის ამხანაგი გამოდგა.

ა




არც შუშა ვარ, არც ნახშირი, ცეცხლი მანც მეცხდება, კამაგირებს ხაღვ ვიღებ ალიმენტში მეცხვობა.

ე



ერთი პიესა დაწერე, ორჯერ ავიღე ფულა, არ გამამბილოთ,—თავიდან ბოლომდე გაქაფულა.

ი



ირემო მთას მევირალო, რად ჩამოვარდი ბარადა? — ერთი ლამეს დახრეს ვირთხებმა ასთუმნინაი კარადა.

ბ



ბრმა ქათამ ასე ჰკინია ყველგან ზორბალი ჰკრიაო, ერთ ლიტრა წყალში მერტყევემ ტიპი რძე გაურიაო.

ვ



ვერ დაიბრავს ტაქს-მოტორს ვერც მოუფე, ვერცა მცხოვანი ფულ ლოდინს წაჩანაღლება სჯობს ფეხით სახელოვანი.

ქ



კილო კარაქი იყიდა ბაზარზე ჩვენმა ნინამ, შინ მიიტანა ვაშინვა, აღმოჩნდა შარკანინა.

ბ



გაუთოღლი სჯობს აღმასი გათოღ კვას ფირუზინას, ღამით შუქს ვაკვლებ, თელსსო, და ღღეს ვვიანდა შიანსა.

ზ



ზოგ წარბიების ღირებუტორს გული აქვს რისტომ გმირისა, ტვირთი კი ზურგზე ნაკიდი პატარა ლოკოკინისა.

ც



ღაღს შეადარეს აგური, იგავი წითელი ფერია, ზოგი ბევრს ღაღობს სიტყვებით, იხე კი საქმის მტერია.

დ



ღრამატურებმა დღევანე ვანათე, როგორც მოთიბი, ტრავადებეს ვურე მკონია, გამომდის კომედიები.

თ



თუ ფეხს არ იცვლა ვაგონო, ტრანსპორტად არ იხსენებო, ხომ არ გვირღვება ხანდახან შეგიათ ლურჯა ცხენები.

მ



მონადირე ვარ, მიცნობდეთ, მხარს თოფი გადავიღე, წვეულ და... ვერის მარჯო კურდღლის ბაჭია ვიყიდე.

ნ



„ნამეტან ქებით—ამბოღენ, — მგელს შევაჭმეს გოშა“. ეს სიბრძნე მუღამ ახსოვდეთ ვინც ჩვენში კრიტიკოსია.

ს



სამსახურის დროს დათირო სასაღილოში ნინიკა— წინ განაჩენი დაუღვეს, გამოცვალა მიმიკა.

ყ



ყოველი ჩიტი ხეზე ზის მწვერი მიწაზე გოვდება, ხავეპროს გამეფ დარჩაო თუ არ გაქაფა—მოცდება.

ო



ოც თუმნად დარუე ვიყიდე, ჩემს პალტოდ შესაკრავი, ოცქერი ოც თუმნას არტელში „ნინასის“ მიზოფს მტერავი.

პ



ტრაქტორის ნორმა საპალნეს ვერ აიკიდებს ვირიო, კომიკურ სეანის ვუურებ და ტრავაგულად ვტვირო.

შ



შუშის ქარხანა, ქებულო, ვეღარ მიგივლი ტაქტკას, ერთ ღამეშს შუშის საყილად გუსრს ვავვაჯავნო აფრეკას.

ქ



პასაჟე შეველ, ვიყიდე სტანდარტი ტანსაცმელია, იდაყუს არ დასწვდა სახელო, საყელო ჰქონდა გრძელია.

ფ



ფრთები, რომ სხმოდა ბადრჩაქანს დაუქამებდენ მერცხალსო, ღვინის მაგივრად ბოთლებით ჰყიდიან ღვინისფერ წყალსო.

ღ



ჩენი მეზობლის თინიკოს ღია აქვს გულის კარია, ერთ თვეში გამოიცვალა ოცდათერთმეტი ქმარია.

რ



რის ჩახტეკერ ვაჭლის მოედანს, ხედი გსიაბს „ვასაბარტლი“ ასე ვიგონა თბილისში, წინ ავტეტუა ქარელი.

ჭ



ქაჩივი ითერად დთოვა, თოღმა დახარა ტოტედა, ზუთას მანეთად გაყოფა საყელონანტა ბოტედა.

ს



ციცხლში წარწობიო აგური, ფეხით ღაღს შეგადარებენ იხე არ გავეცეს ქარხანა. სანამ არ „შევაბარებენ“.

ვრანსკურიოზები



ტროლიბუსი

— ზურგზე ნუ დამაწეკი, არ შემიძლიან...
 — გა, მე თუ ცხრა სული, მთელი ოჯახი მაწევს ზურგზე და არაფერს ვამბობ, შენ რა აზიზ-მაზიზი ვინმე გამომიხვედი?! ..

ვრამეზაიზი



— რაშია საქმე? ჩვენს მხრებზე რომ დახეირნობ, ფუნკულორი ხომ არ გგონია?
 — მოითმინეთ. მე ვასრულებ ორ საქმეს: ვციდულობ ტრამვაის ბილეთს და ფიზკულტურის ინსტიტუტის გამოცდებისათვის ვემზადები.

გაუბებრობა

ნახ. დონიხა



— საკვირველია, ეს მოქალაქე სულ არ ფიქრობს, რომ ასე დაჯდომით შეწუხება შეიძლება.
 — თქვენ რა გაწუხებთ ქალო? მე მშვენივრად ვგრძნობ თავს.



აზრი საოჯახო კედლის გაზეთის გამოშვე-
ბის შესახებ ერთხმად იქნა მოწონებული.
რედკოლეგია არ ატრევიდა: გადაწყდა, კო-
ლექტივის თვითნებ წევრს დამოუკიდებ-
ლად ეწერა და გაეკრა წერილი კედლის გა-
ზეთის დაფაზე.

გადაწყვეტილების მიღების მეორე დღეს-
ვე კედლის გაზეთ „გულისხმაში“ გამოვიდა
ვინმე მცოდნის სტატია:

„აი რა არის მთავარი“

ცნობილია, თუ რა დიდი მნიშვნე-
ლობა აქვს სახსრების რაციონალუ-
რად ხარჯვას. მიუხედავად ამისა, ჩვენი
კოლექტივის ზოგიერთ წევრს ეს უკუღმა
ესმის და ჩაიგდებს თუ არა ხელში ფულს,
ორ ღღერში გაჭინავებს. ფაქტებისათვის
შორს წასვლა არ მოგვიხდება: ამას წინათ
ოჯახის დიასახლისმა სანათამ (გვარს არ
ვასახელებთ, ყველა მიხვდება), სრულიად
გაუპართლებლად გადამყიდველისაგან იყი-
და „სტრელკიანი“ წინდები, რა-
შიაც ასი მანეთი მისცა. ეს მაშინ,
როდესაც იგივე წინდები უნივერ-
სალში ღირს 35 მანეთი. მამასადა-
მე, გადახარჯვა უდრის 65 მანეთს.
დროა ავლაგმით ასეთი უყაირათო-
ბა!

მცოდნე“.

წერილს ახლდა კარიკატურა: სანათა გა-
დამყიდველისაგან იძენს წინდებს.

ამ წერილმა, ერთი ალიაქოთი და ისტე-
რიკები გამოიწვია. მეორე დღეს „გულისხმა-
ში“ დაიბეჭდა საპასუხო წერილი:

„როცა სხვის თვალში ბეწვს ხედავენ...“

ჩვენ საესებით ეეთანხმებით ამ-
ხანაგ „მცოდნეს“ (უფრო სწორად
„ვაი—მცოდნეს“), რომ საჭიროა
მომჭირნეობა. მეტსაც ვიტყვით:
აუცილებელია დავზოგოთ უხვი შე-
მოსავალი და ზედმეტი სახსრები
შემნახველ სალაროში შევიტანოთ.

მით უმეტეს საკვირველია (რომ
არ ვთქვათ — აღმშფოთებელია)
პატივცემული „მცოდნის“ უპასუ-
ხისმგებლო გამოსვლა „გულის-
ხმის“ ფურცლებზე. როცა თვით ეს
ჭკუის მასწავლებელი კალმოსანი
ვერ იძლევა მომჭირნე კაცის ნი-
მუშს. მაგალითისათვის არც ჩვენ
წავალთ შორს: პატივცემულ
„მცოდნეს“ კარგად ეხსომებოდა
(რომ იგი მეტად მაღალ გრადუსებ-
ში არ ყოფილიყო), რომ ამა თვის
ათში მან თითქმის ერთი კვირის
ხელფასი დახარჯა ერთერთ რესტო-
რან „თბილისში“, რის შედეგადაც
ოჯახი, დროებით მაინც, მარტერა-
ლურად შევიწროვდა.

ჰაი, ჰაი, რომ ადვირი სწორედ
ასეთ „მცოდნეებს“ სჭირდებათ!

ნეიტრალი“.

კარიკატურა: „მცოდნე“ ქეიფობს.

ორიოდე დღე ისე გავიდა, რომ კედლის
გაზეთს ახალი სიტყვა არ უთქვამს. მესამე
დღეს კი მასში შემდეგი მამხილებელი წე-
რილი გამოქვეყნდა:

**„მეტი ყურადღება ცოცხალი
მოხუცებისადმი“**

დღეს ყველამ კარგად იცის, თუ
რაოდენ დიდაა ზრუნვა მოხუცებუ-
ლებზე. მიუხედავად ამისა, ჩვენს
კოლექტივში ბოლომდე არ დაჰ-
ყავთ ეს საკმე. ავამეტყველოთ ფაქ-
ტები: მე და ჩემი ცოლი წელს
წყალტუბოში გავგზავნენ, მაშინ
როდესაც რევმატიზმი აქვს მხო-
ლოდ და მხოლოდ ჩემს ბებერს და
არა მე. ცოცხალი ადამიანისადმი
უფრო ახლოს მიდგომით სულ ად-
ვილი იყო გამორკვევა, რომ მე,
წარსული წლების მაგალითის მსგა-
ვსად, ისევ კისლოვოდსკში უნდა
წავსულიყავი. აი, სად არის ადვი-
რი საჭირო!

ორჯვის პენსიონერი“.

ამას ახლდა კარიკატურა: მოხუცი ქალი
ჩოხის კალთაში ჩაფრენია ქმარს.

გაზეთმა არ დააყოვნა საპასუხო წერილის
მოთავსება:

„თავი შეიკავეთ“!

დღეს, ყველასათვის ნათელია,
თუ რა ადვილი უჭირავს ქალს,
და მისადმი ყურადღებას. ვფიქ-
რობთ, ეს უნდა სცოდნოდა პატივ-
ცემულ „პენსიონერსაც“ და მაშინ
იგი თავს შეიკავებდა პრესაში ასე-
თი გაბედული (რომ არა ვთქვათ—
ადვირახსნილი) გამოსვლებისაგან.

დიხ! მოქ. „პენსიონერის“ დი-
ლომატია თეთრი ძაფითაა ნაკერი.
აღბათ ყველას ახსოვს, თუ როგორ
უწუხებდა იგი გულს მთელს კო-
ლექტივს: „აქა მტკივა, იქ მჩხვ-
ლეთს, იქ მგვრემს, იქ მაყრიალებს,
იქ მაზრიალებს...“—აი ხსენებული
ავტორის ლექსიკონი (ვამბობ: ისიც
სრულებით არა სრული). რა არის
ეს, თუ არა ქარების აშკარა გამო-
სახლება? მაგრამ იგი, თავს არი-
დებს რა საკუთარ ცოლთან წასე-
ლას, მიილტვის კისლოვოდსკებისა-
კენ... რატომ? პასუხი ნათელია:
ჟამსა სიბერისასა, მას ნებავე თავი-
სუფლად იკუნტრუშოს... აი, მართ-
ლაც სად არის საჭირო მაგარი ად-
ვირი!

მეთვალყურე“.

ამ წერილსაც ახლდა სათანადო კარიკა-
ტურა: „პენსიონერი“ ეტორლიალება მოავა-
რაკე ქალებს, ისინი კი ქოქოლას აყრიან მას.
ეს წერილი, ისევე, როგორც დანარჩენი
წერილებიც, ყუმბარასავით გავარდა და დი-
დი მითქმა-მოთქმა გამოიწვია.

შემდეგი იყო სტატია სათაურით:

„მეტი ყურადღება გეგმების შესრულებაში“

„გარღვევანი რომელიც ჩვენი
გეგმების ზოგიერთ დარგშია, სე-
რიოზულ შემთხვევაა იწვევს. აქ,
პირველ ყოვლისა, უნდა აღინიშ-
ნოს გარღვევა კულტურის ფრონტ-
ზე. კოლექტივის ყველა წევრი რო-
დი იჩენს სათანადო აქტიურობას.
ავამეტყველოთ ფაქტები: პა-
ტივცემული ლოლა დაუსწრებელი
ინსტიტუტის კურსს ამთავრებს და
თავისუფალი დროის 75 პროცენტს
ანდომებს არა იდეოლოგიურად გა-
მართულ სპექტაკლების ნახვას,
არამედ ევროპულ ცეკვებს. რა
არის ეს, თუ არა გადახრა ზერე-
ლეობისკენ? აი მართლაც, სად
არის აუცილებელი ლაგამი!

ჩაჩქანოსანი.

ამ წერილის ილუსტრაცია იყო: ლოლა
თავდავიწყებით ცეკვავს ტანგოს და ოჟლუ
წურწურით ჩამოსდის.

მცირეოდენი ისტერიაკის შემდეგ, ლო-
ლამ შემდეგი წერილი გამოაცხო:

„ჩვენც ვისმინეთ...“

დღეს ყველამ იცის (გარდა ცე-
ლოსოფოს „ჩაჩქანოსნისა“), თუ
რაოდენ როლს ასრულებს ფიზ-
კულტურა. ისიც ვიცით, რომ ცე-
კვა კერძოდ ევროპული, ფიზ-
კულტურისა და სპორტის ერთერ-
თი სახეა. ფილოსოფოს „ჩაჩქა-
ნოსანს“ ეს გამორჩა მხედველობი-
დან, რაც უნდა მიეწეროს მის
გულმავიწყობას (რომ არა ვთქვათ
—დილეტანტურ ჩამორჩენილობა-
სა და კარჩაკეტილობას).

დიხაც, აქ საჭიროა ადვირი, რო-
გორც ჰაერი.

უჩაჩქანო“.

წერილს ახლდა კარიკატურა: ჩაჩქანოსანს
გაუკეთებია ოთხი სათვალე, ყველამდე ჩაფ-
ლულა სათეატრო ლიტერატურაში და ჰამ-
ლეტები და მეფე ლირები ელანდება.

დამით დიდხანს არ დასძინებიათ. შუალა-
მისას „მცოდნე“ ადგა და „ნეიტრალის“ წე-
რილი და კარიკატურა ჩამოხსნა კედლის გა-
ზეთიდან. ამის შემდეგ მას ტკბილად ჩაეძი-
ნა. ერთი საათის შემდეგ „ნემსი“ მივიდა
გაზეთთან და „უფოლაქოს“ ნაშრომი ჩამოი-
ლო. მანაც დაიძინა. შემდეგ „პენსიონერი“
უდიდესი სიფრთხილით მიეპერა გაზეთს და
„მეთვალყურის“ წერილი ჩამოილო „მეთ-
ვალყურემ“ სამაგიერო გადაუხადა.


დილით კარგ ხასიათზე ადგნენ ყველანი.
ოლონდ თვით კედლის გაზეთი „გულისხმა“
გამოიყურებოდა საცოდავად. მას შერჩენო-
და მხოლოდ წარწერა: „გულისხმა“—საოჯა-
ხო კედლის გაზეთი“.

მას შემდეგ კოკი კენკიადის ოჯახს კედლის
გაზეთი აღარ გამოუშვია. აღარც იყო სე-
ჭირი: მან თავისი როლი შეასრულა და ყვე-
ლა თავის ადგილზე დააყენა.

ალ. მალულარია.



— ჯენტლმენებო, სად არის აქ მახლობელი თავშესაფარი?!



ალბად დაბადებიდანვე დამყვა ორი მეტად სამწუხარო ნაკლი, რომლის წყალობით ლამის პენსიისტი გავხდე. პირველი ნაკლი ის არის, რომ არ იქნა და ვერ მივეჩვიე თამბაქოს წევას: როგორც კი შევეცდები გავაბოლოო, მაშინვე ამიტყდება საშინელი ხველა, ცხვირის ცემინება, თავის ტკივილი... თუ მაინც და მაინც თავს ძალა დავატანე და მოვსწიე, იგივე თავი იმ დღეს არაფრის ხასიათზე აღარ იქნება.

მრავალი საყვედური და ზოგჯერ ჩხუბიც შემხვედრია ამ ნაკლის გამო ჩემს ნაცნობ-მეგობრებთან.

— ერთი პაპიროსი მომაწევინე — მეტყვის შემხვედრი ნაცნობი.

— ხომ იცი არ ვეწევი.
— შენც კაცი ხარ რაღა! — მისაყვედურებს ნაცნობი, — ვაი შენს პატრონს.

— არ ვეწევი ძმომ და რა ვქნა!...
— ნაპოლეონი და ჟოზეფ ფუშე თუ ეწეოდა, შენ ვილასი ტიკი ტომარა ხარ ვითომ!

— ვერ მივეჩვიე ეს ოხერი, — დამნაშავესავით ვამბობ, მე, — მაშინვე თავი ამტკივდება.

— სად გაქვს თავი შე საწყალო... ხი, ხი, ხი! მართლა, გეხუმრები, არ გეწეინოს. — ამ სიტყვებით გამოემშვიდობება ნაცნობი და დარწმუნებული ვარ გულში მაგინებს.

— ქალაჩუნა ხართ, — მეუბნებიან ქალები, — ახ, ბოდიში, გეხუმრეთ. კარგია როცა მამაკაცი ეწევა.

მაგრამ მე შედარებით ადვილად ვუძლებ პაპიროსის მწვეველთა მიერ მოყენებულ ჭრილობებს, რადგან ბოლოს და ბოლოს ძალად ხომ არ მომაწევინებენ.

სულ სხვაა ის მეორე ნაკლი, რომელიც მე დამყვა დაბადებიდანვე. ეს ნაკლი მდგომარეობს მასში, რომ მე ღვინოსაც ვერ ვსვამ. არ შემიძლია, არა და არა. ხოლო თუ თავს ძალას დავატან და შევსვამ — მაშინვე ამიტყდება გულის აღრევა, თავის ტკივილი, მუხლების ცახცახი... თქვენ წარმოიდგინეთ, ღვინის ნაქები სურნელებაც კი ტანში უსიამოვნოდ მაყრუოლებს.

რა ვქნა, ასეთი ვარ.

ამის გამო დიდად ვიტანჯები. ბუნებით საზოგადოებრივს — მიყვარს გართობა, სიცილი, სიმღერა... სხვებმა სვან, რამდენიც სურთ. მე შემიძლია გავერთო მუსიკით. მხიბლავს გიტარაზე დამღერება. ამიტომ უარს არ ვუტანები არავის, ვინც დამპატიყებს.

— ყმაწვილო, — მომმართავს მე თამადა, ან ვინმე სხვა, — რა წითელი კოჭი ბრძანდებით რომ არ სვამთ... ხელი მოჰკიდეთ ამ ყანწს, გირჩევთ!

— გარწმუნებთ, მე საერთოდ არა ვსვამ. ექიმისაგან აკრძალული მაქვს... ამავე დროს...

— აბა, ჩვენ ვირები ვყოფილვართ!

— ჩვენ თქვენი საღვთგონი შევსვით, — სწყრება ერთი, — პატივი გეცით, თქვენ კი უპატივცემულობას იჩენთ. დალიეთ გირჩევთ.

თავს ძალას ვატან, ძარღვებს ვჭიმავ, თვალებს ვხუჭავ და ვსვამ. ჩემს გამბედაობას დიდის ალტაცებით ხვდებიან.

— აფერუმ, ბრავო მე და ჩემმა ღმერთმა... მოდი ამოგიკოცნო ტუჩები...

— მე ყოველთვის ვფიქრობდი, — ამბობს გულაჩუყებული მასპინძელი, — რომ თქვენ პატივს სცემდით ჩემს ოჯახს. თქვენ ეს დაამტკიცეთ სწორედ მაგ ყანწის გამოცლით. გაამოს, გაამოს! სრულებითაც არ მახალისებს ეს წაქეზება. ჩემს გულში უსიამოვნოდ ვიღრვიები. ღვინის სუნი ცხვირში ამომდის, მაყრუოლებს.

ღმერთო, ვფიქრობ, ამ ერთი ყანწით გადამარჩინე. მეტს ვერ დავლევ.

მაგრამ აი, თამადამ წარმოსთქვა მასპინძლის უფროსი ქალიშვილის საღვთგონი.

ტვინში დამცეცხლა. რომ არ დავლიო, ეჭვი არ არის, მასპინ-

ძლის კეკლუცი ქალიშვილი თავს შეურაცყოფილად იგრძნობს, ეწეინება.

— ვუსურვოთ კარგი ბედობალი, — იმეორებენ საღვთგონი-ლოს სტუმრები, — კარგი ქმარი, კარგი ოჯახი!..

— მეც ვუსურვებ, — ვკნავი მე საცოდავად, — იცოცხლეთ ქალიშვილო!

ჭიქა ავსწიე და ვაპირებ ისევ დავდგა, მაგრამ აქეთ-იქიდან კოხივით მომაყარეს:

— აბა, პა, პა! დაუღველობა არ იქნება.

— ჭიქა არ დადგათ!

მეტად კრიტიკულ მდგომარეობაში ვვარდები.

— ყმაწვილებო, ძვირფასო მეგობრებო, იწამეთ ღმერთი. მე რომ ეს დავლიო, გული შემიწუნდება, დავეცემი და ვერავითარ მხიარულებას ვედარ შევსძლებ! — ამ სიტყვებზე თვალს ვაპარებ მასპინძლის კეკლუცი ქალიშვილისაკენ, თითქოს ვევედრები — თქვენ მაინც შემიბრალებთ, ნუ დამალევენებთ ჩაის ჭიქით—მეთქი. თავის მხრივ ქალიშვილიც ისეთი თვალით მიცქერის, თითქოს მევედრება: ნუ თუ იმდენ პატივს არა მცემთ, რომ ეს ერთი ჭიქა ღვინო გამოსცალოთო.

დავხუჭე თვალები. ყლუნწ! ღვინო ტვინშია. ყურები მიწივის.

— იფ, შენ გენაცვალე მაგ ყანყრატომი! ბრავო.

შეგხედე კეკლუცი ქალიშვილს, სახე უბრწყინავს, მასპინძელი გულაჩუყებულია, ტაშს მიკრავენ.

— მეტს აღარ დავლევ, ტყუილად ნუ შეიწუხებთ თავს! — სასოწარკვეთით მივახალე მე სიტყვა თამადას, რომელმაც ის იყო ყანწი გამომიწოდა.

— არა, ნუ დალევთ, ტყუილად მოჰკიდეთ ხელი. — ამბობს თამადა.

შევსციდი და ყანწი ჩამოვართვი. საღვთგონი მხარი დავუჭირე და მინდა სავსე ყანწი უკანვე დავაბრუნო, მაგრამ თამადამ შორს დაიჭირა.

— ეგ ყანწი თქვენ გეკუთვნით ყმაწვილო! — იცინის იგი.

მინდა მივაყულო სადმე სავსე ყანწი, მაგრამ ეს არ ხერხდება.

— ეგ არის თაღლითობა, — მივმართავ მე მასპინძელს, — თქვენ აქ მომიწვიეთ ალბათ იმისათვის, რომ დამახრჩოთ, მომწამლოთ. ამას უწოდებთ თქვენ სტუმრის პატივისცემას?!

მასპინძელი ფეხზე წამოდგა.

— ძვირფასო მეგობარო, გენო, — გრძნობით ამბობს იგი, — ერწმუნეთ ჩემს ჭაღარას, რომ ჩემი ოჯახი თქვენ დიდ პატივს გცემთ და სწორედ პატივისცემის მიზნითაა, რომ ამ საუკეთესო ღვინოს გაძალებთ. თუ გწამთ მეგობრობა, თუ გიყვართ ჩემი ოჯახი მაშინ დალევთ, ხოლო თუ არ დალევთ, მაშინ სჯობს წიხლი დამკრათ.

იმ წუთში გადავსწყვიტე დამელია ეს ყანწი და დაუყოვნებლივ მიმეტოვებინა ეს სატანჯველი სუფრა.

მოვიყუდე პირზე ყანწი. აქეთ-იქიდან მახალისებენ:

— მიდი, მიდი ჰო, ასწი, ასწი... ბრავო, ბრავო.

დავსცალე ყანწი და ვატყობ, რომ მე გენო აღარ ვარ. მე ვილაც თავხედი ვარ. ვილაც ვალეშილი მოქალაქე, რომელსაც ყურები უწივის და ტვინი უსტვენს. მე მივდივარ კეთილ მასპინძელთან და ვკოცნი ტუჩებში. მე ყველას ვკოცნი. აი მივდივარ მასპინძლის კეკლუცი ქალიშვილთან და მსურს გადავხვიო, გადავკოცნო. ქალი დაუყოვნებლივ მცილდება. ყველანი დამცინიან. გამოვდივარ ქუჩაში, როგორც უგონო ცხოველი.

მეორე დღეს გვიან მეღვიძება. ვხედავ, თავზე სველი ტილო მადევს. ექიმს ჩემი მაჯა უჭირავს ხელში და ითვლის.

— არ გეკადრებათ ყმაწვილო ასე ლოთობა, კინალამ გარდაიცვალეთ! — ამბობს ექიმი.

მე წყველა-კრულვას ვუთვლი ჩემს სუსტ ხასიათს, ჩემს მტარვალ მასპინძელს, მის კეკლუცი ქალიშვილს, თამადას და ყველას, ვინც ფიქრობს რომ ღვინოში დახრჩობა წარმოადგენს აღამიანის პატივისცემას.



- ტკივილს ხომ არ გრძნობთ?
- თქვენი სამართებლის სიბლაგვემ ტკივილის გრძნობაც კი დამაკარგვინა.

ეღვე

პროტესტი

გურჯაანი — გურჯაანელ ახალგაზრდობის ერთმა ჯგუფმა გადასწყვიტა პროტესტით მიმართოს რკინიგზის სამმართველოს იმის გამო, რომ მოძრაობის გრაფიკის მიხედვით ზოგიერთი სამგზავრო მატარებელი გურჯაანის სადგურზე პაემანისთვის სრულიად შეუფერებელ დროს მოდის.

წუწკი

იზვიათი უფითხვევა

ზაშური. ადგილობრივ საკოლმეურნეო ბაზარში წვიმის შემდეგ დაგუბებულ ტბაზე ცურვის დროს დაიხრჩო ორი კვატი(იხვები) და ერთი ბულა კამეჩი. ამ მოვლენის გამო შამტრედელი იხვები გაკვირვებულნი არიან და აცხადებენ: ჩვენც კი გვაძლევს ქალაქის საბჭო ქუჩებში და ბაზრის მოედანზე დამდგარ ტბებზე ცურვის საშუალებას, მაგრამ ხაშურელ კვატებივით მაინც არ ვიხრჩობითო.

არქიპო.

ცილისწამება.

თელავი. აქაურ მელინეიკეებში გულის შემზარავი ხმები გავრცელდა, თითქოს თელავის ქალაქის საბჭო, კულტურულ საბჭოთა ქალაქების მიბაძვით, რკინიგზის სადგურიდან ქალაქში მგზავრთა გადასაყვანად ავტობუსის შეძენას აპირებსო. ამის საპასუხოდ ქალაქის საბჭომ თავის საგანგებო სხდომაზე დაადგინა უსასტიკესი ზომები მიიღოს იმ პიროვნებათა წინააღმდეგ, რომლებიც ასეთ უსაფუძვლო ჭორებს ავრცელებენ.

ბიკენტი.

ვინ არ იცნობს კუტლადეს,
სამტრედელ წმინდანს,
კოვერკოტის ხალათს იცვამს,
აბრეშუმის წინდას.

სასადილო-ბუფეტების
გახლავთ დირექტორი,
უზიანოდ არ გაუშვა,
რასაც დაჰკრა ტორი.

ძმა-ბიჭებს და ლოთი-ფოთებს
გარშემო იკრეფდა,
ქეიფით და დროსტარებით
„უკვდავ“ იგებს იგებდა.

გაზეთშიაც გააჰკრელეს,
ახლა ბრაზით სკდება,
მაინც არ სჭრის: წაუკითხვე
მგელსა სახარება!

კორესპონდენტს ემუქრება:
ვინ შემკადრა ესაო?
ქვესკნელს გავთხრი და მოვნახავ
მკლავნელს, მოლაყბესაო.

პ. ინტოფელი.

ჩვენი რადიო

მალაქნების ქუჩის თავში
რადიო დგას ბაზრის წინა.
ალარაფერს ლაპარაკობს,
ჩვენც ამიტომ მოგვეწყინა.

დრო იყო, რომ მის გარშემო
თავს ვიყრიდით, გვექონდა კრება,
მთელი ქვეყნის ახალ ამბებს
ჩვენ ვისმენდით ნება-ნება.

დღეს ტყუილად შესცქერიან
და იშვერენ მისკენ ხელებს.
ალარ ატკობს იმისი ხმა
გამვლელსა და გამომვლელს.

მიხეილ

საზამთრო რეკლიკები


შენ გენაცვალე ჩემო თბილისო,
ზამთარშიც ზაფხულს გავხარ ბუნებით,
შეშა რათ მინდა, როს ტრამვაიში
გვერდებს მითბობენ მუჭლუგუნები?

ჩვენს სახლს მასალა ბევრი უწყვია,
გაჭი, ფიცრები და ტუფი ჭრელი;
რემონტი მაინც არ დაუწყია,
სახლმმართველობა გაზაფხულს ელის.

ვეძებ მე ჩემი ზომის ფეხსაცმელს,
ვეძებ და მისთვის ვერ ვარ ჩაცმული,
ამ ლუქსებში კი სადაც მივედი,
ყველგან სტანდარტი არის დატული.

შოთას ვუყიდე ველოსიპედი,
რისთვისაც ზორბა თანხა დავხარჯე,
პირველ დღეს წინა ბორბალი მოძვრა
მეორე დღეს კი—ჭაჭვი და საჭე.

ქნელილი.



— შესდექ! აქ ყუთში არ ჩააგდო, თორემ სამ თვეს არ ეღირსება ყუთიდან ამოღება.
— მოშლილია?
— არა, ამ უბანში წერილებისაგან ყუთების გამწმენდათ ჩვენი ყოფილი მეგზოვე დანაშნებს.

ჩვენს უოსვას

**მუშტარს—(სოფ. ახელათი, გეგეჭკორის რაიონი).
გვეკითხებით:**

გთხოვთ, ნიანგო, გვიპასუხოთ
რა ვქნათ, როგორ მოვიქცეთო,
ნოქრად რომ გვყავს ესიავა,
სასამართლოს თუ მივცეთო?

ამ შეკითხვის გამო, დავალება მივეცით ჩვენს ადგილობრივ
რწმუნებულს, რომელმაც გამოარკვია საფუძვლიანობა თქვენს მი-
ერ წამოყენებულ ბრალდებისა მოქ. ესიავას მიმართ.

მოქ. ესიავა, თურმე სავაჭრო დუქანს დღისით კეტავს და
ღამით კი (უკეთ რომ ითქვას,—შუალამიდან) იწყებს ვაჭრობას.
თქვენ ამ მდგომარეობას ვერ შერჩივებისართ და არც იცით მიზან-
შეწონილი იქნება მისი პასუხისგებაში მიცემა თუ არა.

როცა გვიჩნავს, მაშინ ვაჭრობს,
დღისით კეტავს იგი დუქანს,
გთხოვთ ნიანგო ამის გამო
შესაფერის თქვენგან „უკაზს“.

გვიპასუხებთ:

ჩვენი „უკაზი“ იქნება მას შემდეგ, როცა მივიღებთ დამატე-
ბით ცნობებს ჩვენი რწმუნებულისაგან. გვინდა ვიცოდეთ, თუ

თქვენ, ესე იგი სოფ. ახელათის მომხმარებლებს გძინავთ მაშინ,
როცა მოქ. ესიავა იწყებს ვაჭრობას, ვისზე უნდა გაყი-
დოს მან საქონელი. შეიძლება არიან თქვენს სოფელში ისეთი
„მომხმარებლებიც“, რომლებსაც დღისით სძინავთ და ღამით კი
„მუშაობენ“.

ამ საქმის გამორკვევას ვანდობთ ჩვენს რწმუნებულს და ად-
გილობრივ პროკურატურას.

ბ. მ—ი. (ჩოხატაური).

მოზიარე ვართ თქვენი მწუხარებისა იმის გამო, რომ ადგი-
ლობრივ რადიოგადაცემის დროს, თქვენ „სიცხე აგვარდნით თავ-
ში“.

ვილაც ქალი „ჩელას“ მღერის
და ტკბილ ჰანგზე ჩონგურს უკრავს,—
სწორედ ამ დროს ხმა მოისმის
„გერმანია ინგლისს ურტყამს“.—
ტკბილ ჰანგს შეცვლის ბრახა-ბრუხი,
ვილაც კივის, ვილაც ბღავის...
შემდეგ ისმის კრიმანჭული,—
და ქაშინვე ვილაც კნავის.

გვეკითხებით, ეწოდება თუ არა ყოველივე ამას რადიოდომხალი?
გვიპასუხებთ: დიახ! ეწოდება.

**რედაქციისგან დამოუკიდებელ ტექნიკური მიზეზების გამო
„ნიანგის“ ეს ნომერი გამოდის დაგვიანებით.**



რუსულმა თავის მიმართვაში აღნიშნა, რომ ამერიკა ვერ-ჯერობით ვერაფერს წააქეზებს მშვილობა-ნობაზე მსჯელობისათვის.

ნახ. ბ. ისაქიასაჩივრული
ნიმუხები



- რა აზრისა ბრძანდებით ომის შესახებ?
- ჩემის აზრით, სასურველია მშვიდობიანობა არსებობდეს ყველგან.
- ფრთხილად სერ ხომ შეხადლოა თქვენი აზრი სხვებმაც გაივონ?!